

T 3,50/4314.81

1

CHINESE - JAPANESE LIBRARY OF
HARVARD - YENCHING INSTITUTE
AT HARVARD UNIVERSITY
JAN 15 1940

太平縣志缺葉表

卷七第三四葉

太平古之帝中堯歲
 輔地也平之反為國
 以年皆助祿冀州春秋
 時晉賦以徒者亦在
 故晉名為殿後觀



与魏魏之系晋地在
地通原魏秦晋以通
啓魏晋魏後魏魏隋
唐宋元比數千百連
或原河東或原魏魏

或原河東魏魏原原
廟名臨洛原名秦平
廟名大平原名原原
迨明洪武之建原
改太平為平陽府府

而我

彩因之以此亦亦之或自由

名也心之所向之集腐

揀選來龍天龍方院之正

以察其之人物觀之

城郭壇壝之

廟社矣也沿樓

之序而之之

之陳之之勤儉之風

漸之人物之為之

是慨然推痛志而遠
 之謂其誠於中而
 市之誠於外誠於
 或生於次或流及而
 閱俱不而之則平志之修

深不余之憂也夫以
 之憂也夫以何有側
 席而三之也強之
 我懷之子能度業而
 原照已矣之各綱羅

散帙參函考訂以我
 年邑酒之風心
 語多述在數中特
 有志以亦不忘其
 已去錄之系欲然函

取而閱之始自地理

卒亦亦錄之亦亦亦
 無不條分縷晰改授
 得明取釐一辭而亦
 亦得亦亦亦亦亦

志不磨若平之君子第
第平心以岸里選何家
平之自之矣以迄之已
七載之古之先和家
而榮史冊共諒亦之人

倘不嗣而新之廣樓
而增訂之不惟其以
闡潛德之遠先抑
且使青雲之士不
獲物名而後其在

爰是以前改原之...
 月並所謂孝悌節...
 義心...
 付...
 淑以...

秀如姑...
 水...
 烈...
 梓...
 國...

夫子皆曰子之

無修其末之為教與之


山者

雍正三年守案次乙

己秋七月既望

知太平縣事王韓

劉案元 謹序



太平縣志序

昔司馬氏作史記古今知所
取法東漢以還有南陽風俗
襄陽耆舊之紀而志郡邑者
始備則志者史之一體也欽

惟我

聖天子之大一統而享治平也
既庶而富既富而教休養生
息涵煦於百年之深雍雍乎
道德一而風俗同矣平雖叢

爾邑春秋時爲晉都歷八君
而文公霸業之盛子孫主夏
盟者至百五十餘年率肇基
斯地其載筆臣曰董狐以直
稱其史曰乘其山川則姑射

魏峩汾流紆折其人則衰盾
之勲業嬰杵之義烈文中之
學術皆足以鼓氣節而振風
化其民則憂深思遠有陶唐
氏之遺焉其俗勤以儉葛屨

蟋蟀之風猶有存者然而運
會遷流風移俗易毋論勝國
以來人心世道有今昔之殊
卽

鼎興數十年其間戶口賦役官

師學校與夫忠名烈節舊聞
新覩不可勝述前事之或忘
何以爲後事之師也哉余自
丙申歲承乏茲土兢兢焉飲
冰茹蘖亟欲修舉廢墜以無
負厥職其鄉先生有過余者
出一編以請曰維邑有志徵
文獻也顧歲久闕畧不可行
於遠願增輯而授之梓爰延
集名碩裒聚掌故而余亦於

政事之暇斟酌裁正矢公矢
慎大率原本舊志而增潤之
厥體若例不嫌異同如舊志
自王中丞先生列卷爲八今
仍之體制雖有新裁而矩矱
猶存先正也舊志止圖星象

疆域而茲則於學宮聖賢位
次俱爲圖非惟使展卷者如
遊其地抑且興入廟之思也
舊志卷目襍亂無紀而茲則

統其類而各爲一卷每卷則
有總綱如分星經野之文統
於經建志經營締造之迹統
於營築志風俗物產兵防郵
遞凡所以養民生而衛民身
者統於賦則志綱舉目張釐
然大備亦猶衆流之會歸江
漢列宿之各爲經緯也至若
志世代而冠以都邑自獻迄
景舉故晉八十五年之事而

大書特書此則根據於春秋
左史而詳於舊志者也其他
若官師若選造若人物有美
無刺其義專主於風世蓋善
善長而惡惡短此固舊志所

同亦諸志不得而異也觸類
引伸難更僕數然豈僅矜淹
雅侈見聞而已哉蕭何入秦
首取圖籍因以周知戶口阨
塞之數朱紫陽宦轍所至必

九三鼎志 序
先考其志乘識者以爲知務
後之君子披斯志而覽之非
直見

聖朝而燕而富而教固有其漸
以幾於一道同風之治而核

名實昭勸懲愛憎不私毀譽
不徇亦可知史狐之遺直未
泯而茲邑土物人民之猶近
古也是雖不敢擬於司馬史
之一成而不可易而因乎時

九平縣志 序
之遠近以爲紀載庶幾與南
陽風俗諸書足備職方之採
已舊志創於明嘉靖丙寅繼
於萬曆乙未

皇清康熙癸丑修之壬戌又修
之其增輯之年月與鄉先生
之姓氏悉列於篇首余不贅
詞 畧

康熙五十八年歲次己亥季
夏之吉文林郎知太平縣事

宛平張學都慢亭甫謹序



序

始余妄意志之作也志一邑而天下之
利病見焉志一邑之人之事而千百世
之法戒昭焉則志之善也而度不能也
已又妄意志之作每舉一條必各見議
論各成片段毋爲補衲之冗毋爲拾瀋
之靡而後可以示著作之不苟而又度


不能也已又妄意世變及今人心不古
因時就事必爲破俗之解匡時之論使
諸從事斯地者一觸目而悚於心動於
色如異學得有道之書以爲是皆隱隱
刺我也而大變其所爲而又度不能也
是以時作時輟因循積年間自尋繹深
懼負謾言之罪於先生大人之前而又
無以副張臧諸先生作者之意自視闕
然惟有拱手受成已耳而卜老先生以
經國大手牧民餘長任搜訂潤色之勤
兼綴輯供饋之勞旣告成事不見督責
猶閔其愚鈍而勉屬之序也噫嘻愚鈍
若此雖喙長三尺尙何言哉抑嘗計之
修明典籍追錄往昔而昭示後來備一

方之文獻助揚一代文明之化者良有
司之盛心也奉遵意指網羅放失而考
古訂今補四十餘年之缺典點染風華
變異時朴僿之習者學士大夫之懿業
也仰彼盛心美茲懿業流連慨歎而不
能自己強爲枝辭剩語以發抒其款款
之愚者亦野老之放言狂奴之故態也
昔司馬溫公修通鑑旣成神廟悅其書
而親爲之序今區區一邑之書耳然而
悅之者必有人焉而乃以如余者序之
也不亦慙乎若夫以已所不能而委之
人人以其所不能而苦心極力以要諸
成旣藉手以幸修纂之有終又因得側
捧卷帙以求寬其謾言之罪則余亦僅

為邑之人增一解頤事焉爾矣慢亭先生聞之得勿掩口耶

康熙六十一年壬寅冬至之次

邑人王奐曾思顯甫撰



序

志之始末前人言之詳矣 邑侯張公以綜理長

才來蒞茲土修廢舉隆賑民育士迄有成效會

王侍御夫子 張咸陽先生雅重邑乘同取舊籍

參酌裁訂遲久而成編蓋其慎也予因念焉凡天

下事有其始之必有其終之前後之相待以相成

寧獨是書乎哉邇者頻歲荒祲比屋啼號至勞當

事者之竭力補救而苦其不足蓋亦慘矣因憶昔


顧侯嘗倣朱文公社倉遺法欲行之境內遺文較
然真可施當時而垂後世如予所居里則家大人
曩主其事亦旣成條矣使其久而不廢則積穀之
多未必無少補焉惜乎侯旣擢守涿郡而一二浮
議者流又無復深識遠慮實爲桑梓之圖遂使誦
焉中止不獲覩其實效也家大人興言及此每爲
扼腕今歷此虛年益思良法慈惠之長好古之士
得無意乎王文中公舊祠頽剝已久賴 張侯增

葺而廓大之兼命諸生課業其中買田給費使可
常行甚盛典也夫原古昔建學之意其所以敦本
尙實分別義利爲已而不爲人者度更有在不區
區以角藝畢厥事遂謂可追蹤前賢也然而循流
溯源則斯舉之所係非輕今 張侯以王事鞅掌
旣無暇刻凡我同人亦安得視爲漠不關已而聽
其自爾乎夫士君子身居鄉里旣無所可爲而如
斯二者則亦隨其所居之位而於斯人可有濟者

皆吾事皆吾分也而豈盡乘權者之責矣哉書既成因附所目擊於此且以俟後之君子焉

康熙六十一年歲壬寅十月下浣

邑人西峯臧爾心題



弁言

古者列國各有史官掌記時事後世方志皆其遺意吾邑志初修於明嘉靖丙寅邑侯三河羅公再修於萬乙未王中丞述齋先生

國朝康熙癸丑邑臨海何公敦延李白綠王雲巖二先生再修壬戌邑武進吳公再修則予與王子元理攜掇倫次心未能慊於今壬寅四十一載矣

上御極六十有一禩冬十月福清張公乃復竣此刻居今稽古綜舊彙新予不勝懼焉僭標十則祇云紀實儻

謂發凡而起例如左氏所稱吾也夫何敢

一志雖一邑之籍而義類本之經史記載徵之典例上以資觀省下以昭激勸我何人斯兩濫茲舉舊列卷十自中丞公釐爲八卷不敢憑臆增損寧無隳括庶省紛拏

一書卷既歷年所詎鮮緯繡續補刪訂王思顯先生同予久蓄此衷幸幔亭張公來蒞斯土欣然嘉與其大者思顯先生振其綱領定其指歸至條目支析則纖流塵壤曠兒固不無縷裨於滄嶽予何事哉祇益汗

覲矣

一思顯先生秉尼泗而驅左國是編特吉光之片翎而予迺竊冒文蔚之全斑豈止踟高天而躋厚地

一臧西峰太史辛卯以五經壓解出長治林侯貽熊爲思顯侍御癸酉典粵東試所得士文章針芥道義淵源是書之成相得益彰信非偶然也

一志之有圖郡邑皆然今自分星疆域縣治學宮聖賢位次以及景物名勝俱藉善手曲摹爲圖附入本條之內一展卷而瞭如指掌

一字字其名也馮恭定公從吾纂長安志而致慨於董仲舒一代大儒而逸其字近見吳門張天一遇恩輯淳化志名字兼存卷中倣其意自官師紳士知其字者恩為刊系其不知者闕如非有異同於其間

一舊志藝文一卷殊無統紀未免續縷茲準班史總志著述其諸撰咏美不勝蒐載罔能遍聿翹群玉之遺奚罄名山之蘊

一魯魚帝席率由鐫訛則剗刷之要也且書貴善本何況史乘是役選東頗峻對之舊冊或為差強耳

一胡文定傳春秋纂諸國興廢說成王封弟叔虞於唐謂之太原亦曰晉陽而都於翼是翼晉陽太原皆唐封境而唐本帝堯都原平陽地桐葉以來乃稱之太原晉陽耳則太原之名弗止今山西省會太原之一郡也以非一邑之典存之以備考


一慢亭父母自丙申冬下車即不以予為菲薄謬茲重屬迨壬寅春將授鏡而公奉檄從事酒泉軍歲復比饑穀值如湧匠餼之糜蕪倍曩估凡涉珠桂之謀盡解冰雪之橐瀕行諄囑遠懷酌劑乃克訖王既就帙

太平縣志
卷之三
三
繫有美而無譏或挂一而疎萬曷勝寤寐之捫心違
念道塗之罪我

一癸卯冬厚菴劉父母來蒞茲方修理文廟議設社倉
建牌坊以振文風造城樓以圖鞏固捐挑古井補助
窮黎砌街道立義學其于文中子祠特廵西峰減太
史爲師每月二次集我邑生童會課其中而公適館
授餐終無倦志緣囑余復修是編用誌數言以示不
忘云爾

尺囊底成寸心彌仄渺言固陋之質茫預述作之林
贅語滋慙前徽莫踈耳矣

邑汾山張枚瞻麓氏謹識




志之刻既竣客有過汾山而問於曠者曰子於邑采
非一日矣其於經史也何居余曰夫不見諸史之以

志名乎客曰然則經與史有異也歟哉曰無異也與
謨誥誓命訓其初皆出於史臣叙紀之詞書也二百
四十二年筆則筆削則削褒諱刺譏其文則史春秋
也此經史之一也然則史與經果同也歟哉曰弗同
也可覓千斛粟見與當與尊公作佳傳丁儀丁廙所
以有盛名不立傳也無以稱德當爲鄉作佳傳陽休
之所爲佛助助也此史之必不可通於經者也然而
一也邑大夫福清父母讀太平志而慨然有念焉曰
官其官事其事書其書詎異人任耶而余亦得從先

生大人後參互考訂讎校編閱撮群書就一裒其於是卷千腋之一毛千緝之一綫也夫子曰知我罪我惟春秋朱子作綱目不敢徑接獲麟聖人之難聖人之慎也則夫出經而入史哀異而歸同又豈曠之所能知乎哉客曰子既言之吾既聞之矣乃第其說以附於我椿庭之語次

康熙六十一年歲壬寅陽月張宿曠同函氏謹書



太平縣志目次

卷之一

經建志

建置

分星 圖

疆域 圖

坊里

山川 水利附

八景 舊圖 新圖

卷之二

營築志

城池 縣城圖

街巷

集會

村落

津梁

公署 縣署圖

學校 聖廟圖 聖賢位次圖 鄉飲酒禮圖

祠祀

卷之三

賦則志

田賦

戶口

解支

郵遞

鹽政

兵防

風俗

物產

卷之四

官師志

知縣

縣丞

主簿

典史

教諭

訓導

卷之五

選造志

制科

歲貢

並恩拔副

例貢

胥史

封廕

武科

武弁

馳封

卷之六

人物志

聖賢

人物

文行

耆碩

隱逸

孝義

列女

流寓

方技

仙釋

卷之七

世代志

都邑

古蹟

寺觀

陵墓

祲祥

雜志

卷之八

藝文志

準班史總志著述不分列

歷朝修志序跋

地理有志何昉乎昉於夏后氏之禹貢周官之職方也
 夫有地理此有山川有山川此有人物有人物此有風
 俗然山川有小大人物有盛衰風俗有媿惡自古迄今
 無有乎不於志焉見之而凡究心於治道者之所必倦
 倦也余自嘉靖乙丑夏承命來宰太平至其境則見其
 疆域雖隘然而姑射遶右汾水環左其土頗腴其民頗
 朴其俗頗淳又况趙衰程杵輩皆春秋之表表而平生
 之所仰慕者咸於斯土焉鍾因取太平志而親為考訂

殘缺者補之失次者正之定爲十卷分爲二帙噫自斯志成而太平之山川人物風俗以及城郭宮室壇壝貢賦與夫禮樂文章之屬罔不備載而無遺因壽諸梓以廣其傳於戲誌也者志也是故遷固氏之作漢紀范祖禹之作唐書司馬公之修通鑑與夫朱子之綱目皆足以稽往迹而續將來匪徒爲侈美觀資泛覽而已也今我皇上聲教四訖薄海內外旣命儒臣纂修大明一統志以垂示無窮誠曠世之盛典也太平雖一邑實堯封之密邇晉室之故墟今裒而爲書以備一方之紀載是雖不敢妄擬先哲著作之全寧無少裨於聖朝一統之盛也哉是爲序嘉靖丙寅歲夏五月吉旦知太平縣事文林郎三河槐堂羅潮撰

余讀康太史所著武功志人稱其詞約而該事詳而要後之作者多倣之吾晉中若汾若絳若翼咸倣其例良云得體太平志刻於嘉靖丙寅紀載旣備第各緒頗雜倫次未安矧時異勢殊人增事改余不揣固陋僭加訂裁釐舊補新因文附義匪徇私意竊比大方噫不有開來孰能續往前人之功固不可泯也萬曆乙未七月旣

望邑人王體復謹識

王先生志太平縣成爲卷者八以示其門人天民天民受而讀之旣曰美哉詳而要質而有體文獻其在斯乎吾讀管子書每以土定人及其植之所宜太史公行天下物產風俗畫地而指之意古小史所掌亦宜迨是夫因革制度時各有人猶之茲土也其毛爲賦其精神爲山川而化入於人古之諸侯登士獻民貢賦以時皆是物也故家大族譜牒簿券世世謹守以示其子孫按而考之卽食指之聚散歲計之盈縮家政之隆替已事之

臧否歷歷然有亢宗之思而况於郡邑乎故家有忘問之宗老鄉有疑問之惇史識弗識徵不徵則視其人之賢不賢孔子欲言夏商而致慨乎文獻之不足蓋有斟酌損益之思焉非徒欲稽其故而巳也故有國者非獻弗文獻矣而國祀宋也則亦弗文彼其視先禮曾故家之譜牒簿券弗若也而又奚足徵之有吾邑自唐堯爲畿內地迄今四千年可紀者何限乃舊志蕪甚不可傳於遠賴吾王先生釐之厥體若例自以倣於武功康太史然裁正補益出於所獨得多矣是時邑侯劉君方若

時庶民敬老下士視邑如家宜可做古賢諸侯而先生之志適成文獻足徵意在斯乎意在斯乎往王先生序舊志云吾邑先哲足榮是志今習俗日靡節行無聞孰爲克履前躅者是時歲在丙寅距今日又一世許矣以瘠薄之地江河之俗而重以歲之弗易時政之不可知其太息可勝道哉莊生有言藐姑射之山有神人焉肌膚若冰雪綽約若處子人以爲寓言也吾以爲今人譚邑先哲如對明神其爲藐姑射也大矣詩不云乎高山仰止食土之毛飲水之醴山川之精神何以稱唐堯之遺民耶愚故推王先生之意僭爲序如此云萬 幸丑孟嘏之吉邑人楊天民著

太平舊志邑尹三河羅侯命貢士李子養恕廩生張子檢身所纂集而刻於嘉靖丙寅歲者也或病其太繁而中復有遺者矧隆萬而來歷三十五六年應續入者不知凡幾志之重修今正其時乎中丞王公懸車之暇遠蒐近討釐舊增新體例倣之大方事物覈其本實裒然成一家言焉書甫竟適邑尹韓城劉侯至侯勵精吏治亟欲徵信典籍以見諸行事得中丞公所著而有當於

其心也居四載政平民懌乃謀以是書授之梓時不佞
以予告事母家食喜而嘆曰是舉也其所關者不亦大
乎夫心之所之謂之志志形於言謂之誌匪特記事爾
也故不曰誌而直稱曰志有味乎名之哉侯之刻志蓋
亦自言其志也已故觀地理則志在維風稽建置則志
在遵制察祠祀則志在恪神審田賦則志在恤民官師
之鑒志齊賢也人物之考志振德也選舉之閱志勸學
也藝文之覽志正辭也有其志而藉以行之政斯成焉
志可已乎志謂之執執謂之物不執不物何以樹訓茲

侯用心人已之間也昔趙文子與叔譽登九原之上而
思所適從歷晉趙而下山川所鍾賢哲之生代不乏人
可屈指數也吾儕產於斯土懷想鄉獻九原在望亦安
所從乎語曰爲人臣者以爲臣鵠爲人子者以爲子鵠
猶射於百步之內也鵠當不遠期而志之亦顧其志何
如耳母徒以科第之盛於往昔爲侈而貽姑山汾水之
靈所羞也是固劉侯刻志之意乎故僭爲之序而並爲
吾黨明志云中丞公聞之亦以予言爲然邑人郭萬里
書

古者列國各有史後世更而爲郡縣各有志志卽史也志豈易言哉紀故實審因革表風俗昭勸戒志豈易言哉余承乏視篆太平始至索志覽之乃刻於嘉靖末年者時歷三紀於今無當也或謂王先生有手錄新志藏於家因請而卒業焉凡邑之土地人民政事較如指掌且其辭約而該序順而整補藻有章刪補適宜直足以配列國之史而徵一方之文獻也追昔拜先生於鴈塔更獲遊其梓里讀是志而藉以從政誠厚幸哉粵太平故絳地春秋時爲晉都當文公上下霸業全盛財賦人物可想焉其載筆之臣曰董狐以直稱而其史名曰春秋喻兵車之多也以今觀之故壘蕭蕭環邑之境悉土之毛不過平陽一中縣耳矧戶口減損不逮國初遠甚而差役征求日有加焉民力奚堪尹鐸之治晉陽也爲保障不爲繭絲竊嘗企慕而加意調停之務以寬民苟祿四載幸追譽蓋惟是表樹罔功弗能稱塞滋益懼也若乃葛屨蟋蟀之風猶有存者則勤儉之遺習庶幾可以真教焉至於嬰杵之義烈仲淹之學術皆足以興起後人鼓氣節而振譽髦不亦爲是邑增勝乎噫晉之乘與

人鼓氣節而振譽髦不亦爲是邑增勝乎噫晉之乘與

其盛不可覩矣獨其流風餘韻有歷數千載而不泯者
物力雖訕而人文蔚然可以顧化考信彰軌循名責實
志可闕乎志出吾王先生裁正遠續董筆矣用付之剖
劂氏以永其傳並以告夫嗣爲令者風人之語曰無已
太康職思其居好樂無荒良士瞿瞿夫使官師而遊於
是士民而家於是者玩斯志而各思其居以成其良則
志之刻也洵不容已矣時贊余刻者有主簿石君莪教
諭郭君廩訓導王君親臣韓君學孔典史李君成美咸
志其姓名萬 二十九年歲辛丑秋七月之吉知太平
縣事雍韓劉民望撰


萬 二十三年志目

大禹敷土奠山濬川維茲首善經野所先世代更迭
陵谷不遷觀風於後考績於前志地理第一
位以立政居以表位慎封畫圻設險守國都鄙有章
廬井有會典制森然罔敢不備志建置第二
國保於民民依乎神報崇功德禮重明禋祭法所載
祀事孔陳敢告司祝勿賣勿淫志祠祀第三
勞民勸相好義終事政急催科仁先撫字時使薄斂

古訓所示能寬一分民受其賜志田賦第四

設官分職錯事展采民之父母士之模楷政教攸資

口碑具載考實於名庶彰勸戒志官師第五

光岳氣鍾帝臣首出晉趙而來英風  或以學文

或以功業勉旃後生景行先哲志人物第六

帝闢賢路爰重賓興三年大比間歲一升孜孜風勵

矯矯雲蒸豪傑之士匪是英登志選舉第七

擊壤邈矣蟋蟋賦唐陳詩言志記事備忘旣采風俗

亦著典章用徵文獻非侈縹緗志藝文第八

邑乘與古史並重所以一道德而同風俗故春秋二百

四十二年間明道垂諸文紀事準諸義凜凜乎蓋詳且

慎也志易事哉今

上御極之十有一年 大學士衛 疏請

勅天下郡縣編纂通志將彙爲

大清一統志甚鉅典也會撫憲達 奉

天子命檄下太平爰集薦紳先生暨諸文學自萬 乙未

後義類所應續缺文所應補咸斟酌可否成一邑史以

備考而恭進焉志誠非易事也矧三晉數經兵燹其間

太平縣志 卷之四 藝文
藝章典故殘闕殆甚人民風習非復昔河東比使非蒐
遺聞撫紀載虛公釐定以爲文獻良書何以答

上命而表來茲哉予覽太平舊志三河羅侯始纂於嘉靖
丙寅王中丞繼修於萬 乙未楊給諫謂其詳而且要
質而有體信然但時移勢殊後之人不克損益而裁酌
之將掛一漏萬徇此失彼是非頗謬於前哲寧辭續貂
誦哉今有才媿司馬筆稟黃狐於山川形勢則燦若指
掌於戶口賦役則類若列眉於風俗人物則敦彝考懿
式古風今於官司學校物產災祥則芳榘鴻辭嘉休瑞

應靡不井井具舉其大者尤在明是非別真僞垂一因革
定 可爲可否爲否俾忠孝廉節之風煥然爭光於
日月晉之乘非魯之春秋哉爰命繕次而剖劂之工告
峻俟

朝廷一統志成而平邑風教之遺人物之紀當亦入與比
媿焉安在邑乘不與國典弁重而聖經不與晉史相耀
哉 時 康熙十二年歲次癸丑季春吉旦知太平縣
事天台何煒然國光父謹序

原夫因文取義游夏莫贊春秋以約勝繁班馬遂分同

異筆削誠嚴乎一字增刪詎惜夫千金若乃有美靡彰
得傳益盛聚資衆狐之腋禿非一兔之毫霜暑易流幽
潛相踵又况螭鳥任臆焉馬成譌滄海多遺陵陽每泣
蹠涔回溜無關讓水廉泉蚤韭晚菘何與三如四出非
白翎占了而漫次靈禽豈古度林於乃輒登嘉樹犀毗
綾餼達人意等苓通童篆冷符才子有同茵蟪失諸洮
汰致誚塵塗猶與莖而齊紉玉偕珉而並韞將由作傳
求厥嗣之米艸元附富人之名乎抑亦穆滿羨穿未逢
不準鄉嬛地貨不聽茂先也耶太平縣志者修自明

嘉靖末年重修於萬曆七載王公之載筆罔愧董狐劇
尹之用心宜追晉乘矣然而芳規波遊嫖躅雲興余筮
仕下車偶停披牘未遑問位時渴采風覽舊冊之寥寥
手殘編而翠翠姑舉一二畧備諏詢卽如鹿皮道者之
歸山茶毘舌在臨胸邑侯之治縣蠡屬文香都從滙漫
之條曷表傑霸之蹟昔猶失譜久復奚徵又若花鳥娛
人旣逸知炕之句蒙莊疑世還遺王暉之詩青鏤莫垂
絕絲永嘆又豈乏飛甘十步恥託髮於驂騮質是雙龍
尚靈光於狴犴所賴人收孟公之札毋徒藏弄爲榮家

擁仲壬之書弗曰爾我私共洙泗斷斷如也誰爲末俗
津梁江河滔滔下哉疇作中流砥柱米輸千石而後寧
絕賑饑者四人魚獻五頭以來詎無廬墓之一子要使
雲龍冰雪重呼姑射之神將相公侯長暖河汾之席諒
惟同調勿恰合尖敢謂前志之功臣庶幾此邦之勝事
云爾至於祖德未闡慈孫孝子之所恫家珉或湮玉友
金鼎之共惜柳顏訓列無容頭觸屏風王謝堂開自有
蘭生階屺抉皮爲姊尚不欲吾弟無名流涕携兒恨不
使朝士一見此宜爲緇衣而媿媿又寧煩油素之諄諄

也哉康熙辛亥長至太平令章安何煒然澹仙父諱啓

聖天子嗣大一服之十一年允閣臣請恭修

皇清大一統志示無外也晉撫達公乃嚴檄所屬郡縣敦
延名宿遵將義類所應書者各勒成一家言以備當事
者之採鑑於都哉自非鴻裁健製之士曷堪秉筆邑侯
何父母不知余之固陋廼以平志屬余使得以三寸管
從事於王子季侯等之後竊思作者之難卽盲左腐遷
持議未必盡當何況茲謗謏者但以平之人而言平事
巢風穴雨習於所居固不煩賒耳而貸目也爰考舊乘

所載並學士家所藏下至里巷之歌謠庸夫孺子之傳
訖旁搜博攬次其條目而書之至釐舊增新之際或詳
或畧諸君子叅訂之功實多若云胸腹自珍私其所見
漫爲損益於其間則余豈敢哉志成計八卷邑人李
敏題

志之纂也始於壬子之冬而竣於癸丑之春則惟邑侯
何公之慎重厥事以底於成也初侯甫蒞邑卽以修廢
舉墜爲已任已乃詢掌故而恫其缺遺爰有徵修之
會撫憲奉

上旨檄屬郡邑侯益奉行惟謹而屬之李子復不以余爲
不敏俾與其役余蓋兢兢懼焉嗟乎志豈易言哉夫邑
之有志猶國之有史所以鏡政治衡風俗也故山川之
流峙疆土之分合亦燦然可識矣然廼物產也而悉其
盈虛戶口也而悉其蕃耗賦役也而悉其因革而其大
者詳官師之遺蹟彙人物之薇行則官師與人物者固
政治之源流而風俗之所爲升降也往先大人爲余小
子言君子之立身也在鄉則善於其鄉在天下則善及
天下由余所睹記邑薦紳焜赫一時者多矣然惟樹德

太平縣志 卷之三
者傳焉蒞茲土者亦然爾小子慎念之哉不肖每念其言知國有紀載而野有口碑三代之直非苟而已也則今日者博蒐而兼收之信非諸君子不爲功余幸從李子後得一訂之若乃採輿論而衷以獨斷則邑侯固有精衡矣余又奚事焉志成得以叙其始末且以悉予兢兢之心蓋如此也昔

大清康熙癸丑仲春之吉邑人王錫韓識

余讀寰中廣輿諸記穆然如見古盛世風焉未嘗不欲携子雲鉛槧作太史公遊歷想及承乏平庠取邑志披之言簡意該辭約旨遠真宜奉爲鴻寶但時事代更數十年來不無當加補續者會

天子敕郡邑修集以纂大統邑侯浙東何公以政事龔黃文章班馬燁精鑒定邑中李王二先生秉筆虛公墨不輕滴役竣余受而展卷則又如新唐書所謂事增於前文省於舊也觀止矣愧不能贊一辭惟是志者志也書曰詩言志故十五國貞淫不一其俗淳漓不一其治以至山川人物鳥獸草木不一其類而夫子以思無邪一言蔽之因爲贅語編末竊願讀志者思志之意於以正

人心而正風俗正教化而正世道將禹甸周疆不殊堯
天舜日則太史公之遊歷足堪重褻而楊子雲之鉛槧
無俟再携其於廣輿大統寧屬小補云儒學訓導古襄
王一龍識

自班孟堅志地理而著作家相與因之盈宇內郡邑各
爲紀皆號曰志顧踏駁牴牾譌舛掛漏在在有之我平
舊有志先祖中丞公重修後囊括包舉遂稱全書乃七
十餘年山川不改事物非昨又足捫卷遐思初辛亥章
安何父母甫下車披閱一過固有增續議會奉

俞旨父母遂以學海文山人倫藻鑑總其成延邑中李王

二大家操管並茂佐墨夫作志猶作史也綱目雖殊離

合相似人亦有言作史有三長才也學也識也有五難
煩而不整俗而不典虛而不實賞罰不當文而不質也

茂惡乎與於此唯是同韓衛郭曹四文學暨一二子姓
編次其側若夫蒐訪先正摺據故實備何父母暨諸君
子之闡揚竊附先中丞之意期於不沒幽光以爲吾平
表勵則區區一念之耿愧螢熠石火之無補也役竣將
付剞劂贅言冊尾藉以質夫大方康熙壬子仲冬之吉

邑人王 茂謹識

康熙十二年邑志目錄

第一卷星野沿革城池衙署坊里村落集會封國山

川古跡八景水利 第二卷學校壇壝祠廟寺觀津

梁風俗節令物產 第三卷官師名宦 第四卷科

目歲薦歲辟例貢胥史封蔭武科武弁封 第五卷

戶口田賦驛遞夫厥舖舍鹽政兵防 第六卷人物

鄉賢文行者碩隱逸孝義賢貞流寓僊釋 第七卷

藝文 第八卷災祥陵墓雜志

邑志修於康熙十有一年天台何澹仙使君董其成凡

山川形勢戶口賦役風俗人物以及官司學校物產災

祥亦既條分縷晰綱舉目張矣雖去今未遠而十載以

來人文日以興起堂構漸以鼎新較前志所載多所增

益邑紳王元亮先生暨孝廉張君卜公王子元理懼夫

久而闕軼弗傳也請增修焉與余往復裁訂經月而竣

事然後貢賦之額以準戶口之數以核官司之銓除科

名之次第以審列堂署締造之工雖一橋一閣必載稽

城堡建置之自雖一村一落必紀鴻文鉅章既編輯而

莫遺微員散秩亦蒐羅而罔逸麟麟炳炳燦若列眉足
 備職方之採卽華陽人物之書陳留風俗之志不是過
 矣刻成兩孝廉屬余序其事余惟平泉雖隸河東中邑
 其民樸以醇其俗勤以儉爲三晉稱首邇者佻達之徒
 二三爲伍以狙詐爲雄以告訐爲能事陶唐氏之遺風
 幾蕩然靡存矣雖然百畝之蕙棘或生焉千尺之松壺
 或蝕焉要無掩於衆芳也正人心以厚風俗跂予望之
 至邑乘之作始於嘉靖丙寅繼於萬 乙未以迄今茲
 前賢紀之詳矣余又何庸贅一詞康熙壬戌季秋之吉

賜進士出身文林郎太平縣知縣陞山東濟南府德州知

州蘭陵吳軫若客父序

歷朝修志姓氏

明嘉靖丙寅

知縣羅 潮

邑庠張檢身 李養恕

明萬 乙未

知縣劉民望

邑人王體復 楊天民 郭萬里

邑庠張受善 劉國泰

國朝康熙癸丑

知縣何焯然

邑人李敏 王錫韓 王茂 王履沈

邑庠韓荆識 衛公靖 郭才府 曹寅亮

國朝康熙壬戌

知縣吳軫

邑人張枚 王燮真

太平縣志卷第一

哈佛大學漢和圖書館珍藏印

知縣事三韓劉崇元厚菴氏重修

邑人張枚卜公甫

臧爾心子端甫

張宿燠遠光甫全修

經建志

辨方正位體國經野先公所以著六典也邑之攸建亦猶乎是作經建志

建置

太平縣始自元魏其先蓋漢所置臨汾縣地也置縣以來或析置鄉寧或併省臨汾時值用武人鮮寧居至更立有南太平西太平之名及唐貞觀之盛而始有定宇由今計之殆且千年保障得人邑里宴如庶幾哉永無遷徙之患也爰因舊志所載采摭經傳史志凡建置始末備列而條証之以著寸篇

唐帝堯氏都平陽邑境在平陽西南不百里為畿輔地

禹貢註冀州帝都之地今平陽府唐虞以來郡縣未立之前

邑無可言言其境地所在若此

虞夏殷俱隸冀州

帝舜氏肇十有二州首曰冀州都於蒲坂邑境在冀州之域為甸服地禹貢五百里甸服

禹為九州都於安邑邑境仍在冀州之域為甸服地湯更制中國亦為九州分統天下邑地仍隸冀州

周初分天下為九畿冀州當在侯畿之內至成王時亦曰九州屬職方氏此地仍隸冀州後屬晉

周禮職方氏辨九州之國河內曰冀州邑地仍隸焉春秋晉獻公自翼徙都於此厥後魏與趙韓分晉邑地屬

魏

晉國侯爵獻公八年命士蔦城聚都之命曰絳始都絳
歷惠懷文襄靈成景七公復遷於新田又歷厲悼平昭
頃定出哀幽烈孝靜十二公而魏趙韓三卿日強列為
諸侯遂分晉而據其地魏武侯都安邑邑地屬魏

秦屬河東郡

秦併天下罷封建置郡三十六一為河東郡縣地屬之
漢始為臨汾縣置於古晉城仍屬河東郡

二漢仍為河東郡司隸統之前漢郡領縣二十四第十
二為臨汾後漢郡領域二十第四為臨汾

魏晉屬平陽郡

曹魏分河東立平陽郡置司州司隸統之○晉仍魏制
領縣十二第十為臨汾

後魏太平真君始分臨汾縣地置太平縣在今治東北二

十五里以太平關故名

山西通志謂自晉城移臨汾縣
置此因關為名改曰太平縣後

周避太祖宇文泰諱易為大平俱仍屬平陽郡

元魏世祖太平真君四年置東雍州高祖太和十八年
罷改置平陽郡領縣五第五為泰平太平真君七年始

以臨汾併入之太和十一年復置臨汾○後齊復省臨汾入焉○後周改東雍州曰絳州

隋開皇三年改郡為晉州以縣屬之十年移於關東割屬絳郡

隋文帝開皇初廢郡為州煬帝大業初復置絳郡領縣八第八為太平

唐貞觀元年設河東道領之七年移於敬德堡中即今治也

唐絳州絳郡領縣七第二為太平河東道採訪使統之

五代宋金皆因之

宋絳州絳郡防禦領縣七第三為太平

神宗熙寧五年廢慈州以鄉寧

縣分隸太平穆山

河東路經畧安撫都總管司統之○金宣宗

興定三年三月置河東南路轉運司領縣八第五為太

平

元屬晉寧路隸絳州

元初置絳州行元帥府後罷復州治隸平陽路錄事司

領縣七第二為太平成宗大德九年改平陽路為晉寧

路屬河東山西道肅政廉訪司中書省統之

明洪武二年仍為太平縣屬河東道直隸平陽府

明改晉寧路為平陽府領直隸縣十一第六為太平山

西承宣布政使司統之

國朝因之

或有言臨汾之非太平者以今平陽府附郭之臨汾或

之也按前漢書地理志河東郡第十六縣為平陽應邵

曰堯都也在平河之陽後漢書郡國志河東郡第三為

平陽堯都此晉書地理志平陽郡第一縣為平陽註云

舊堯都元魏地形志平陽郡第二縣為平陽註云二漢

屬河東真君六年併禽昌太和十一年復隋書地理志

臨汾郡第一縣為臨汾註云後魏曰平陽併置平陽郡

開皇初改郡為平河改縣為臨汾以此與右所序比而

觀之可知今之臨汾乃二漢晉魏之平陽而二漢晉魏

之臨汾即今之太平也又按隋書地理志絳郡第一縣

為正平註云舊曰臨汾置正平郡開皇初郡廢十八年


縣改名焉大業初置絳郡此蓋與太平同在古臨汾之

域而分置者也可以曉然無疑矣


維正二年諾撫軍

起請改屬絳州為首

分星圖



參十星距中星西第
 一星去極九十二度
 半
 玉井四星距西北星
 去極九十八度少入
 畢宿十一度半
 天屏二星距南星去
 極一百一十五度入
 畢宿十三度半
 單井四星距西南星
 去極一百五度半入
 畢宿十四度
 天廁四星距西北星
 去極一百一十八度
 半入參宿二度
 尿一星去極一百一
 十五度入參宿三度
 半
 觜三星距西南星去
 極八十二度半
 座旗九星距南星去
 極六十度半入參宿
 八度
 司怪四星距西星去
 極七十一度入參宿
 六度半



周禮春官保章氏掌天星以星土辨九州之地所封封域皆有分星以觀妖祥實沈晉也觜觶參伐實沈也歷代天文寰宇諸書或各有同異而實沈之虛晉人是居無弗主國語董因之說者及觀近儒纂廿一史列象緯圖牘一度參十度實沈次晉分十二分野謂觜參晉分今山西太原平陽潞沁潞澤是其地東極上黨西抵大河北盡晉陽南界中州當古百里之國何知凡幾平邑在其內祗方五六十里而欲執度數之論求合於分秒之間誠爲難矣然四星之曰觜參亦猶地之曰晉魏云爾

左傳鄭公孫僑對叔向曰遷實沈於大夏主參唐人是因以服事夏商及武王滅唐而封大叔焉故參爲晉星國語董因對晉文公曰實沈之虛晉人是居所所以興也漢書地理志曰魏地觜觶參之分野唐書天文志曰觜觶參伐實沈也寰宇志平陽觜參之次

明列郡分野平陽府古冀州觜參分野

邑言分星則必以董因之說爲據矣以邑固晉地也顧

文公時晉已非唐叔之晉意當時虞芮耿霍楊荀諸國之亡于晉者占星實沈之次或興或亡亦必有知星者爲之說與惜乎其不傳也平雖蕞爾邑文實霸焉今竟以晉之占候爲平之占候可乎

國家司天之官其測驗之法論者以爲視前代倍密則何不備列郡縣推察于度數分秒之間明示所在使諸守土者得以占候而知所處也君子慎德修政亦第爲吾之可爲以俟之耳他何知焉不然卽日取天文諸說曉曉而陳之奚取哉

疆域

縣之疆域縱廣各五十五里以古里度之則七十里有奇矣古伯子男之國也賢者得此亦可以慨然興起爲生聚教訓興道致治之永計矣倘曰斗大一區不足以展我驥足也彼身都方岳兼地數圻赫赫一時而卒湮沒不彰者豈民不衆土不廣之故哉諒爲人傑當作是想

以縣治爲中而橫計之東界抵曲沃之蒙城驛凡四十里西界抵鄉寧之濺堆村凡一十五里西不足矣東則有餘

安柴二十里

東至曲沃縣蒙城驛四十里

東南至曲沃縣

疆域圖

沙女里 關店舖

史村堡舖

臨汾里

東北里

汾河

陳郭里

柴寺里

東尉里

上魯里

西牛里

萬五里

荀董里

東劉里

西張里

永固里

北故縣里

景毛里

大柴里

萬東毛里

西吉里

此朱里

連村里

萬故縣里

德西毛里

北魯里

北李里

南李里

古城里

東關廂

家村里

北至襄陵縣

南至絳州

安鎮二十二里

相李里 堡舖

曹路

張高舖

北關廂

焦彭里

中黃里

西姚里

西安里

尉村里

北膏腴里

南膏腴里


賈岡里

新化里

曲才里

南毛里

李村舖



小趙里

北柴里

定興里

義郭舖

清餅鎮


汾陽里

堡舖趙康里

堡舖

北王里

西至北鄉寧縣



姑射山

馬首峯

舖頭三十五里

西至鄉寧縣濊堆村一十五里

西南至絳州蘇村二十五里

泉村十三里

高陽十三里

以縣治爲中而縱計之南界抵絳州之義泉村凡三十里北界抵襄陵之京安鎮凡二十五里北不足矣南則有餘子輿氏所謂絕長補短可以爲善國也

若乃東行三十里爲曲沃之高陽東南行七十里爲曲沃之縣治南行五十五里爲絳州之州治西南行二十五里爲絳州之蘇村西行一百五十里爲鄉寧之縣治西北行三十五里爲鄉寧之鋪頭北行五十五里爲襄陵之縣治東北行二十里爲襄陵之安柴則鄰比之境四封所接之壤地也

至自縣南趨三百五十里爲蒲州自縣北趨九十里爲平陽府自府又北趨五百六十五里爲山西省自省又北趨一千二百五十里而達京師府州省則縣之所稟成京師則所由以寄命而子民也蒞斯土也烏可勿問哉縣之疆域較如矣

按周禮形方氏掌制邦國之地域而正其封疆無有華離之地所以爲侵斂之防也今日車書一統寧復慮此然事案相牽或有出之意外者向閱邸報有司徃徃以利害之關多所瞻顧利之所在則引而近之曰我界也

害之所在則推而遠之曰彼界也至動

九重之問煩勘驗之差且有數年不可了結者則惟疆域

之不正致之也嗚呼形方之設聖人之為慮豈不遠哉

明少叅盧彬過太平懷古詩○昔奉除書過故關偶聽

汾水湧狂瀾王通墓左殘碑立趙盾祠前老柏攢習俗

尚存唐禮讓遺風猶有晉衣冠程嬰杵臼今何在忠義

令人淚眼看○侍御楊美益太平道中詩○早春湖海

興問俗出天隅曉色合堤柳泉聲落野渠新禽調舌景

犍犢服犁初風自東方至孤情一解舒○侍御熊迥和

前韻詩○乘驄頗問俗曲曲幾山隅瑞靄籠青巘晴光

映碧渠物滋時雨後人樂谷風初更得循良牧民愁可

暫舒○尚書張學顏和前韻詩○春當三月半好雨洗

城隅壠麥青隨馬岩花細入渠鳥鳴芳樹外農種晚煙

初共話熊車到民艱已盡舒○都御史楊錦和前韻詩

春霖今歲好瀟灑過城隅南畝堪肥稻東郊已塞渠

黃鶯穿葉早粉蝶度花初

到處隨車雨三藩力可舒

坊里

均田難矣均里難與曰難丁單者利於併族大者苦於

分分併之際訟端所由起也惟酌其大小全半而為之

折衷其差則熒熒赤子同宥覆載之中畸輕畸重之弊

不其氓乎

元時編戶四十九社領以四鄉南曰德進西曰義泰北曰

景雲東曰萬春天 中大旱人民死徙過半併為五社

至正十八年妖賊入境城破所餘止二百餘家至正二

十二年併為二社

明洪武初編戶一坊五廂五十四里後併為一坊五廂四

十八里

國朝順治二年以兵火後瘡痍甫起流亡未歸丁單役苦

民困可念有司奉

旨攢併無論民居在城在關在鄉編為五坊廂大小二十

二里

德南坊

原德化坊南膏腴里焦彭里領五里

北尉里

原北膏腴尉村二里

中黃里

西姚里

安侯里

原安平西侯二里

相李里

南賈廂

原南關北廂西賈里領四里

仁和里

原家村北眾二里

永吉里

原永固西

吉二里

萬張里

原萬東毛德西毛西張三里

西王里

原西牛萬王二里

南康廂

原南關南廂趙康里領四里

賈新里

原賈岡新化二里

曲北汾里

原曲

才北王汾陽三里

柴史里

原北柴北史二里

趙定里

原小趙定興二里

東臨廂

原東關廂臨汾里領五里

萬東里

原萬故縣東劉二里

大柴里

南尉

原柴寺東尉二里

上魯里

東沙里

原東北沙女二里

北南廂

原北關廂南李里領四里

鄧柴里

原鄧村柴王二里

古北里

原古故縣北

二里

北連里

原北李連村二里

景陳荀里

原景毛陳郭荀董三里

按明制城內曰坊近城曰廂鄉鄙曰里每坊廂里各編

十甲每甲各編一百一十戶百戶應役而以丁多者十戶爲之長鰥寡孤獨不任役者則附於百一十戶之末謂之畸零戶而其供役及官長地方大事則以坊長廂長里長領之無或不均焉今自攢併之後山麓水濱南鄙北鄙皆稱關廂名實貿矣沿習歲久人情相安敢言更張以滋擾累然而事變之生正不可測城市蕭然防患何術留心民社者尚亦熟計之乎

山川 水利附

土地之分山川分之也一阜之起皆山一勺之流皆水在分土建邦者取之何如一執秦秦以求山無山矣執江河以求水無水矣是故有土地則有山川土地之分有時而更山川之形亘古不易非徒修祀事徼庇佑而已蓋亦因以爲一方之表焉此各郡邑山川之所以志也此吾平邑山川之所以志也

姑射山

在縣城西十五里自北而南亘抱邑境東與汾水相映帶若爲邑之左右翼衛者西首望之覺唐人

城頭之詠又先偷我一句矣舊志引南華神居爲說今特爲正之○據平陽府志在府城西三十五里近山諸邑志皆載焉而汾西之青山臨汾之九孔平山襄陵之三磴非其別名卽其支也其與霍嶽雷首龍門砥柱同爲一郡之瞻明矣而俱引莊子藐姑射之山有神人居焉爲言至神居洞仙人洞率顯然列焉且以莊子肌膚若

冰雪淖約若處子有謂藐姑仙子者誕甚矣按山海經海內北經列姑射在海河洲中姑射國在海中屬列姑射西南山環之郭景純註列姑射山名也山有神人河洲在海中河水所經者莊子所謂藐姑射之山也璞聞喜人豈不知河東之有姑射而固讓之海中哉夫姑射之在茲地蜿蜒數百里峙郡城之西若輔若翼巍巒疊嶂晴暉雨景曉翠如黛晚紫成霞其勝何窮而必藉南華之寓言以標奇樹異竊恐巖巖峩峩者且笑人之無謂也酈道元曰東海方丈亦有崑崙之稱西洲銅柱又有九府之治同名異域稱謂相亂亦不為寡則茲山自為姑射而不必與海中之山爭神居之名也且所謂藐者遠也非山名也乃相襲而不考與邑西照望峯清涼洞皆山之佳勝今列於左

照望峯

在縣西北二十五里姑射山之巔更深猶見日色北有神仙洞碁跡猶存南有勝水泉澄清如鑑曹生可受募建神廟其上倚門東眺汾水外百里樹草樹如在眉睫之間蓋亦一勝觀云 絳州進士

桐登姑射龍腦峯詩○遙登姑射躡仙踪一俯塵寰萬慮空汾水西來通陝右條山南峙拱河東水村晚映孤烟外苔蘚春生亂石中龍腦峯頭開道院令人千古憶猶龍 邑人王庭高峯入天詩○煙火山家寂寒光映翠微采松連月下移石帶雲歸詩夢長隨夜禪心靜掩扉太虛無鳥跡錯落數峯飛

清涼洞

在縣城西二十里離城十餘里即山行率石逕可五六里峻者立矢曲者折竹比比而是將至洞途益細盤迴而入蓋幾在姑射之半矣洞踞西東面石厂前張後矮深可數十武豁幽窅土人因為門櫺如廟宇狀塑像甚夥厂之內南入有洞上下皆石忽突忽凹以燈走里許猶弗窮其所止而空亦漸狹足亦歇側難於步雖盛暑如深秋意清涼之名以此歲旱邑令禱雨輒應或云宋南渡時賈岡人王道源仙化地後人因作洞名清濂

九原山

在縣城西南二十五里晉大夫葬地也禮記檀弓趙文子與叔譽觀乎九原曰我則隨武子乎利其

君不忘其身謀其身不遺其友晉人謂文子知人夫九原之廣可以畝數其高可以仞計初無所謂杳峯邃谷而以文子數言其名歷千百年不泯信乎賢者之生山川且賴之而况其他乎今其上為伯神廟居近各堡與絳州鄰村共

汾陰山

在縣城南十里當自秦蜀經絳州而來孔道東西綿亘幾三十里高五里勝國時草木蒼如行人戒

心迨芟柞既盡四望彌曠晨昏出塗益滋惴恐萬侯令于魯乃築室募民立鎮其上命曰清儲出鎮南里許步其椒晉國故城近在趾下星村碁舍俱可指數南望汾河五十許里如匹練西瞰馬頭九原兩峯宛然列掌東南如曲沃所稱喬山紫金山雲外峯尖隱見如寫亦可謂踞乎上游者矣其東臯為禹神廟廟後有塔眺之勢如湧出堪輿家以為吾邑之文筆也康熙十六年邑人張問政李足發王奕曾鳩建

巴山

在縣城東二十五里有蘆葦懸生匡半蔓延數丈歷冬不凋望之歲蕤鬱葱如藤蘿然

汾水

在縣城東二十五里自襄陵來入邑境流逕三十餘里而南西岸入絳州界東岸入曲沃界夾岸居民艷

難田之利亦苦崩嚙之患惟春水初漲士女飾舟遊嬉頗有低徊拂水清切綠雲之趣亦山家一日樂事也按山海經北次二經之首在河之東其首枕汾其名曰管涔之山其上無木而多草其下多玉汾水出焉而西流注於河又海內東經汾水出上窳北而西南注河入皮氏南平陽府志汾水在城西二里源出太原府靜樂縣有二一在管涔山天池一在林溪山龍眼泉至支鍋石對合流至寧化所五里禹之孫昌寧公所定名定河至縣西南流經樓煩鎮歷交城陽曲太原清源文水祁縣平遙介休孝義靈石霍州汾西趙城洪洞臨汾襄陵太平至絳州東繞南門西流過稷山河津榮河入於河秦之皮氏今之河津也桑欽水經汾水又南過臨汾縣東平邑在漢

固臨汾縣也

靈景泉

一名玉泉在縣東北二十五里景毛村南灌田四村景毛四日南高二日北高四日西郭三日此水

至西郭村西潛流地
中村東復見入于汾

靈源泉 在縣東北三十五里陳郭村西南明嘉靖二十一年為澗水所墊 國朝康熙六年居民陳一經陳

爰陞陳元魁陳孟道等尋故道開之十年知縣何煒然相地度工其泉突溢利滋溥矣

白波泉 在縣東南二十五里永固村

清水泉 在縣西門外北週圍一畝二分灌田者以桔槔取之其地宜蘆葦遶流過城南關而東

古興泉 在縣城西府君廟下

焦村泉 在縣西南十五里焦村西北相傳獻公都晉時引水入城後塞今渠跡宛然明嘉靖年間知縣耿儒

欲開之未果 國朝康熙七年知縣緱酉生開之卒無功

下尉泉 在縣東二十五里下尉村西北流細而長其地有葦

豁都峪渠 在縣西北三十里侯村北渠始開於金皇統四年上汧灌西侯東侯地滿峪攔閘下汧灌東侯

吉村姚村吳村常村東安平南安平北姚古城鄧村董村柴王申村共十四村地其由渠而分者有高原汧老

灘汧古城汧灌六村地中原汧常村汧餘水入汾

尉壁峪渠 在縣西北一十五里尉壁村北渠始開於金皇統四年灌田十六村尉壁三公村北膏腴南膏腴

孝村良陌西黃北黃西曹路南黃程嬰村焦彭相李站里盤道西安平餘水入汾

大柴峪渠 在縣西八里南膏腴里水頗微灌田無幾

煤峪渠 在縣西二十里賈岡堡西水頗微灌田無幾

按諸峪之水皆從姑射山出夏秋之間大雨泛漲灌田者資之謂之雷鳴水然利在則爭連阡共陌之衆至有

操戈以相向者，惟嚴定其受水之數，而輪轉從公，則庶幾哉！較若畫一，不至以養人者而害人者也。

明布政使孔天 有肇興水利記。○憲使東陽趙公分巡河東之明年，是嘉靖乙卯，綱紀既秩，百度允修，乃為民行水漑田，而教以水車之法。如江南於是，河東諸郡邑奉法咸謹，悉平地畝作渠塘，造水車以援水也。由是水之行可以升高亢，回瀉而灌注沾濡焉。昔之絕無者，今則始有也。而後民知水之利，而後民知興其利以利民也。繇我東陽公太平縣令，鄒學書走狀告余曰：太平地磽而農惰，吏不能勸久矣。今奉東陽公創制建法，置水車纜七具，已灌田二千餘畝矣。繼自是而廣之，而民不可勝澤也。然是良法也，美意也，為斯民垂萬世利也。即時弗記，後其理或遐哉，而莫之考也。是故願有以文之，而托之石乎。余於是作記以貽鄒令。曰：昔者禹抑洪水，通道陂澤，惠流四海，功施萬世，豈直疏濬濬而已耶。誠令四海萬世得於舟楫之餘，旁引而田之，蒙其浸漑。

民用弗困於饑，以其神通則為智，以其心著則為仁。故稱智仁之大者，禹其巍巍乎矣。然其實不越以利民。故有牧民之責者，亦因民所利而利之。斯禹之徒也。河東汾所經歷，而山山之泉，行潦之水，又無地無之。然率棄而不用，以故晉地少沃野，而多凶年。况屬大禹行水之舊鄉，推禹之德，必不以潤澤饒江之南，以乾燥病糞之北也。第民不知用耳。昔者九川既疏，九澤既灑，其決嚴險，亨阻修，猶有待於人者。故蜀穿二江，有李冰，魏引漳水，有西門豹，秦鑿兩渠，有鄭白。此皆引水灌田，以億萬計。要其功惠，皆有利於民。故四子者，至今存也。夫智者不外物宜，而處仁者不倍天地而施。故不知而不處，是不智也。知處而不施，是不仁也。故裁成天地之道者，仁之所以施，輔相萬物之宜者，智之所以處。東陽公高明沉毅，宜慈惠和，視河東之民饑，若吾之赤子之不嗛也。視其旱乾，若吾之田渠之不治也。視其水之棄，若吾之榮衛離也。乃汲焉詳處，而順施令，淪滍之流布，而為化雨。礪确之區，轉而為膏腴。其仁智可並觀矣。其裁成輔相之業，可槩例矣。公今且峻陟，後有心公之心者，亦以

是而稽治植民生斯厥休永永勿替矣鄒令亦宜以告
後之令曰亦幸母貳爾心以永保厥休公名祖元字宗
仁別號南菴由進士任山西按察司僉事浙
之東陽人也故稱東陽公云學書關中人

八景 詩附

姑射晴嵐

明羅潮○雲生姑射曲香靄弄晴暉細細流丹
壑團團覆翠微松間同鶴夢天外挾仙飛千仞

峯頭嘯情多欲上衣

明王體復○曉出西門外群峯
列翠屏到來多古洞行處幾幽亭樵徑雲生白農村雨

潤青年年耕獲
罷簫鼓耐山靈

汾水煙波

明羅潮○勝槩環中土橫汾據上流波光拖練
白帆影接天浮鳧鴈沙邊浴魚龍鏡裏遊風恬

浪復靜閑殺濟川舟

明王體復○汾水滔滔下紫環

古帝封國浮常出渚練影欲朝宗洗耳高人去濯纓孺

子逢禹門春浪近幾度化魚龍 國朝王履浩○汾水

何悠悠禹功那可求魚鱗灘上出鵬嘴石邊留煙障千

家樹波澄萬里秋行人
爭借問何處是扁舟

義祠雲寒

明羅潮○乘暇行郊外臨祠拜二侯塔閑馴鳥
雀樹左曲龍虬報主身雖死立孤志已酬忠魂

昭日月萬世仰光休

明鄭盡忠○先生天下士死義

世稱賢宗忍公孫覆祚令晉趙延佳城鬱喬木古廟藹

雲煙千載貪生

者觀祠有厚顏

文洞墨香

明王體復○千載龍門下高風仰蔽廬太平曾
有策師道竟誰如祠墓生新草巖龕觀舊書河

汾吾梓里還欲隱樵漁

明鄭盡忠○龍門譚道樂一

脉續斯文故里迷秋雨荒祠鎖暮雲彝倫裨孔廟禮樂

啟河汾經聖誰云
僭懷賢為弔君

靈泉春色

明羅潮○野水靈源出冷瀉玉清波涵天影
動風落浪痕平坐石堪垂釣臨流可濯纓潺湲

鳴日夜灌溉利民生

國朝王標○此地出靈泉因而

祝有年稻田防宿鴨蓮浦任遊鱗是處芹為飯幾家草

結塵臨流不盡
意薄暮起炊煙

孝壠秋風

明羅潮○曉過荒村道咨詢知孝名煙花紛吐
艷風木妻悲聲事往墓猶在民淳俗自清可嘖

諸赤子可效古人行 明王體復○廬墓人何在各村
迹尚留風來雲影暗木落鳥聲愁存趙功勳古安邊事
業優登高頻悵
望抔土可千秋

層臺夜月

明王體復○霸迹舊城隈崇岡尚有臺昔時明
月色猶過短牆來涼氣秋空合澄輝寶地開曾

聞規累卵千古頌賢哉 明鄭盡忠○涼馬山頭月清
光萬里開忠規照累卵良夜上層臺千古回天力一輪
捧日懷登臨聊玩
賞題咏愧詩才

仙遊古柏


明羅潮○古柏凌霄漢仙遊愛翠陰根盤經代
遠節錯逾年深風動虬枝舞煙迷鳥語吟譚經

因坐晚玉露濕塵襟 明王體復○古柏號三清栽培
世幾更參天亂雲影傍水起風聲老幹陰陰合新皮嫩


姑射晴嵐



義祠
雲寒



汾水
煙波





靈泉
春色



文洞墨香

夜層臺
月臺



孝壠秋風



仙遊古柏



嫩生仙人不可見獨守歲寒盟 國朝鄭明良古柏吟
○三清老柏臨荒廡籟集笙竽卧龍虎翠羽朝撐汾水
雲蒼皮暮溜喬山雨頑雲苦雨不能摧說是仙
人手自栽紫珮金冠歸何處漠漠空壇一鶴來

新擬八景

圖附

晉城霸基

在邑南二十五里昔晉主夏盟實基于此今遺
故址儼如岡阜春勝秋高諸堡林立草樹紛披

最堪登覽

知縣張學都詩○霸國千秋勝荒基數里

傳礎深埋棘莽樹老挾雲煙廢井車常憇頽垣堡欲連

樵蘇科照裏

誰復問當年

汾陰巖障

在邑南十里東西亘數十里為邑之屏障峯頂
登眺浮屠聳峙雉堞崇雄諸村羅列煙火萬家

足稱巨觀

知縣張學都詩○山色汾陰好晴宜雨亦

宜千村紛暮藹卅里菴晨炊月朗屏風列雲籠塔影遲

城闔資保障

登眺不勝思

益鄉黛樹

在邑東四十里伯益里即舊志仙遊古柏唐天寶間王叟種瓜方治苗有道人索瓜謂已熟叟

視果二瓜香異道人已失所在表長安命建觀其地至今古柏離奇黛色接天稱仙蹟 知縣張學都詩○烈

山元聖里天寶古仙壇柏尚騰龍瓜瓜曾餉虎蟠芝屢千載峙羽客十洲看漫泥虛無蹟唐虞邈不難

原磴綠芊

在邑西南二十五里按九原山晉卿相多葬此故國語載趙文子與叔譽登之而企懷隨武子

也今春晴草綠葱蒨逐懷尚堪覽勝而興思云 知縣張學都詩○九原當日慨萬古令人傷山寺雲常護隴

阡草自芳前賢猶景仰後世感蒼茫不盡思齊願群鴉噪夕陽

馬首雷濤

在邑西南五十里俗名馬頭山有雲即有雷雨或歲一至或歲數至或數歲一至天道莫測如

此雲雷發時但見龍馬隱見于煙霧中最有奇致 知縣張學都詩○峯頭形類馬山腹幻疑龍不是煙雲起

何由雷雨從條青檉柳暗穎碧黍 田濃莫訝天難測為霖必遍農

龍門崖峯

在邑西門外當大道北舊志文洞墨香在 萬王祠康熙五十六年知縣張學都捐橐增修額曰龍門書

院分几授饌延諸生課業其上疊稱翰藪南拱汾陰北枕姑射依城帶郭活潑潑地使人有河汾親炙之想

知縣張學都詩○王子祠新葺長安策舊陳汾陰螺族曉姑射黛凝春老屋依城郭高風

激士民龍門原咫尺若箇步前塵

一峯望照

在邑西北二十五里安平莊一峯峭立如插天際更餘望之猶有日色 知縣張學都詩○峻

絕無峯並深更尚帶曛昏猶能宿日勢豈但凌雲均樂栖岩際芙蓉辨夜分振衣歌復旦便合九霄聞

九汧層流

在邑北十五里自站里莊至古城鎮十里九汧當夏秋間大雨時行水自西山來洪流駢發凡

傍汧村舍恍然島嶼中矣 知縣張學都詩○大雨夏兼秋西山泉壑流漲穿十里內藪遠九支投彷彿雷霆

震分明島嶼浮町畦 爭灌溉立馬聽群謳

前八景圖


在邑西門外甯大道北舊志云之河堤亭在焉

後八景圖

新灌漑立馬鼎群謳


延光北川 峻大 於 北 古 王

晉城
霸基
草滿斷甃
傳霸業樹
棋好高部
雄圖




汾陰
 巖陣
 霧醒屏開
 三十里霽
 明翠繞萬
 千家





益鄉黛
樹
瓜帶雨痕
含翡翠柏
迎雲影攬
虬龍






原豐原
 山峯一覽
 希麟寺
 蘇子燭
 趙文

馬首雷濤
 忽驚雲氣兼天起
 遂覺雷聲送雨來



龍門
 崖崿
 城旭平
 飛樓堞
 影硝煙
 下擁縣
 花香





一峰望照
 特排羣嶺穿雲去
 峭立深潭挾日來





王恪寫



九研層流
淑翻塔練楚瑤崑石激孖雷動
碧石齋



太平縣志卷第一
八景之說識者多疑之茲僭標數區雖無奇闢要吾最
爾所有也詎敢菲古祇以紀實云

諸圖俱太學王恪寫
題句併邑張公

太平縣志卷第一終

